

frembder vnd falscher Lehr/Durch deinen Geist steyre vnd wehr/
Zu deins Namens Preis vnd Ehr.

Sebet.

Allmechtiger Gott Vater/Wir bitten dich/verleihe
vns/das wir auch mit dem Gemüte im Himmel wo-
nen/vnd was Himlisch ist suchen/vnd im Geiste Him-
lisch gesinnet sein/als wir glauben/das dein Eingeborner
Sohn/vnser Seligmacher Jesus Christus zu Himmel auff-
gefahren ist/auff das wenn er widerkommen wird/vns zu
sich hinauff neme in den Himmel / Durch denselben vn-
sern lieben Herren Jesum Christum / der in Einigkeit
des heiligen Geistes mit dir lebet vnd regieret/
wahrer Gott immer vnd in Ewig-
keit / Amen.

Am Sonntag Exaudi.

Euangelium / Johan. 15. vnd 16.

Nach der Melodia vñ Composition : Als die eilff Jünge beysammen
waren/ Fol. 73.

Christus sprach/der getrewe Hirt/Wenn nu der Tröster ko-
men wird / Den ich vom Vater senden werd / Zu euch mein
Jünger/auff die Erd.